

Poštovani,

pišemo Vam u ime Alternativnog Studentskog Parlamenta, dobrovoljne grupe studenata koji su odlučili da obrišu prašinu sa svojih pasivnih ramena, te se ubjedljivom odlučnošću aktivno uključe u kreiranje svoje budućnosti. Naglašavamo da nismo paralelizam Studentskom Parlamentu Univerziteta u Sarajevu koji je uradio ogroman posao što se tiče projekta studID, te da ćemo buduće akcije raditi kroz SPUS. Kao što ste već do sada upoznati, prvi problem kojem smo posvetili pažnju jeste problem studenata i njihovog transporta u vidu Javnog gradskog prevoza. Studenti, koji predstavljaju korijen jednog zdravog i produktivnog društva, te najsvjetliju tačku društvenog, ali i političkog razvoja zahtijevaju da prije svega čvrsto stanete iza riječi koje ste izgovorili, a nakon toga i uradite sve što je u Vašoj moći u vezi implementacije predloženog projekta. Mi ne želimo da nam se hrana servira na zlatnom tanjuru, kao što se pokušava predstaviti, već želimo koristiti Javni gradski prevoz plaćajući razumnu cijenu za studentsku populaciju. Prihvatamo Vaš prijedlog da studentska godišnja karta bude u visini od 50 KM, što bi, uzimajući u obzir očekivani odziv studenata, bilo itekako profitabilno za JKP GRAS, pogotovo posmatrajući sadašnje stanje na terenu. U uvjerenju smo da zaslužujemo određene povlastice kao studenti i to uvjerenje sa nama dijele politike vodećih svjetskih država. Jedino ulaganjem u mlade i perspektivne ljude možete zaštititi budućnost ove zemlje, a vjerujemo da Vam je to jedan od ciljeva. Gospodine Mehmediću, tražimo da ispunite dato obećanje. **Naglašavamo da studenti ne traže besplatne karte**, nego tražimo odgovornost i trud, zahtijevamo od Vas i Vaših saradnika efikasan pronalazak načina rješenja ovoga problema, te iskreno molimo, prije svega mlade ljude i građane Bosne i Hercegovine u globalu za podšku i ulaganje u budućnost ove zemlje.

Ovim putem Vas također pozivamo da se obratite na protestnom skupu 17.02. 2010 u 12 sati, gdje ćete iznijeti svoje mišljenje o ovome. Nadamo se da ćete ovaj dobronamjerni poziv prihvatiti i pokazati da Vam je stalo do studenata.

Srdačno,

Alternativni studentski parlament